

## Hundee limaanaa-5ffaa

### Description

#### Aakhiratti Amanuu-Kutaa 1ffaa

Yoomul Aakhirah (Guyyaa Dhumaa)-jechuun guyyaa Qiyaamaa namoonni duâ€™an qorannoo fi mindaaf itti kaafamaniidha. Aakhira jechuun dhuma ykn xumura wanta tokkoo jechuudha. Guyyaan Qiyaamaa guyyaa Aakhirah jedhamee kan waamameef yommuu warri Jannataa Jannata keessa qubatan, warri ibiddaa ibidda keessa seenan isa booda guyyaan biraan waan hin jirreefi.[1]

Hanga ammaatti hundeewwan iimaanaa afur ilaalle jirra. Guyyaa Qiyaamatti seenun dura mee hariiroo Guyyaan Qiyaamaa hundeewwan imaanaa darban waliin qabu haa ilaallu. Rabbiin subhaanahu wa taâ€™aalaa samii, dachii fi wantoota isaan keessa jiran kaayyoo malee hin uumne. Nuti beeknes dhiisnes kaayyoo guddaa itti uumeef qaba. Uumamtoota kanniin keessaa gara ilma namaatti yoo dhufne, ilmi namaan uumamaa kabajamaa fi kaayyoo guddaaf uumameedha.

Khaaliqu ni dachii fi samii ilmaan namaan dachii keessa isaan gochuun kaayyoo guddaa tokko akka gahaniif marsaa adda addaa keessa akka darban isaan taasise. Namni kaayyoo ykn galma tokko gahuuf qormaataa fi wanta qormaata darbuuf isa gargaaran barbaachisaa miti ree? Qormaata malee kaayyoo tokko gahuun ni dandaâ€™amaa? Rabbiin Beekaa fi Ogeessa taâ€™e ilmaan namaan qormaata keessa darbuun galma tokko akka gahan murteesse. Mee amma wanti ilmi namaan ittiin qoramuu fi gahuumsa (firii qormaata) isaa haa ilaallu.

#### 1.Qormaata (Ibtilaâ€™a)

Qormaata jechuun wanta gaarii fi badaa, dadhabaa fi jabaa, kijibaa fi dhugaa addaan baasu fi gingilchuuf wanta namni ittiin qoramudha. Jirenya tana keessatti qormaanni bifa adda addaa qaba. Rabbiin oltaâ€™aan ilmaan namaan kaayyoo uumamaniif galmaan akka gahan karaa adda addaatiin isaan qora. Kaayyoon itti uumamaniif Rabbiin qofa gabbaruudha. Rabbiin ni jedha:

وَمَا خَلَقْتُ الْجِنَّةَ وَالْإِنْسَانَ إِلَّا لِيَعْبُدُونِ  
٥٦

â€œJinnii fi ilmaan akka Ana qofa gabbaraniif malee hin uumne.â€ Suurat Az-Zaariyat 51:56

Rabbitin gabbaruun galma kan gahuu qormaatani. Ibaadaa ykn gabbarrii jechuun **ajaja Rabbiitti buluu fi wanta Inni dhowwe irraa dhowwamuudha**. Jecha biraatin dirqamoota Rabbitin itti nama ajaje bakkaan gahuu (hojjachuu) fi haraama (wantoota dhowwamaa) dhiisudha.

Kanaafu, wanti Rabbitin itti ajajuu fi irraa dhoowwu ilma namaatiif qormaata. Fakkeenyaf, karaa Isaa keessatti qabsaaâ€™utti ni ajaja, zinaa fi wantoota fokkuu irraa immoo ni dhoowwa. Namni wanta itti

ajajame hojjate fi wanta irraa dhoowwame dhiise, Rabbiin gabbaraa jiraa jechuudha.

Akkuma barataan daree qormaataa yommuu seenu, jabinnaa fi laafinna isaa ilaaluf fuundura isaa waraqaan qormaataa kaaâ€™amu, ilmaan namaa fuunduras dachii tana keessa qormaanni isaaniif kaaâ€™ame jira. Akka ifa taâ€™uuf, waraqaa qormaataa akka addunyaa tanaatti haa ilaallu. Gaafilee waraqaa qormaataa irra jiran immoo akka wantoota Rabbiin itti ajajee fi irraa dhoowwu haa ilaallu. Gaafilee waraqaa qormaataa irra jiran keessaa wanta barataan jibbitu jira, akkasumas, kan barataan jaallatutu jira. Haaluma kanaan, wantoota Rabbiin itti ajajuu fi irraa dhoowwu keessa wanta nafseen namaa jaallattu fi jibbitutu jira.

Kanaafu, akkuma waraqaa irra gaafileen adda addaa jiran, dachii tana keessas wantoonni nama qoran baayâ€™etu jira. Rabbiin subhaanahu wa taâ€™aalaaakkana jedha:

إِنَّا جَعَلْنَا مَا عَلَى الْأَرْضِ زِينَةً لَّهَا لِنَبْلُو هُرَأْيُهُمْ أَحَسَنُ



**â€œDhugumatti, Nuti isaan irraa eenyutu akka tolchee hojjatu qoruuf waan dachii irra jiru isheef miidhaginna taasifne.â€ Suuratu Al-Kahf 18:7**

Rabbiin subhaanahu wa taâ€™aalaa wantoota dachii irra jiran kanneen akka nyaataa dhugaati miâ€™aawaa, mana, konkolaataa, biqiltoota, warqii, meetii, horii fi kkf hunda dachiif miidhaginna godhe. Kanakkana godheef ilma namaa qoruufi. Kayyoon qormaata kanaas eenyutu hojii gaarii akka hojjatu ifa baasufi. Eenyutu fedhii lubbuu ofii caalala Rabbii isaa filataa?

Hiika ibaadaa keessaa kan biraâ€œGabbirrii (ibaada) jechuun maqaa walii-galaa dubbii irraa, hojii keessaa(dhoksaa) fi alaa (ifaa) irraa wanta Rabbiin jaallatu fi itti gammaduudha. Hojiin gaariin hojii gaarii kan jedhamu yoo Rabbiif jedhame hojjatamee fi sunnaa Nabiyyii Isaa (SAW) yoo hordofaniidha.

Kanaafu, kaayyoon qormaataa ilmaan namaa gabbarri (ibaadaa) galmaan akka gahaniif. Qormaanni kuni bakka lamatti goodama. Tokko wanta gaggaarii lubbuun jaallattu, lammaffaa wanta badaa lubbuun jibbituudha. Rabbiin wanta gaggaarii namoonni jaallatan isaaniif kenuun galata(shukrii) isaanii ni qora. Kana jechuun yommuu waan gaarii isaaniif kenu â€œeni galateefatan moo hin galateefatanâ€¢ jedhee isaan ilaaluf ni qora. Akka fakkeenyatti Nabii Suleymaaniiif Rabbiin beekumsa,qabeenya, aangoo fi mootummaa guddaa kenneef. Garuu Suleymaan maal akka jedhe beektu? Akkana jedhe, â€œKuni tola Gooftaa kiyya irraa taâ€™eedha. Akka ani Isa galateefadhuu moo hin galateefanne na qoruuf [qananii kana naaf kenne]. Namni Isa (Rabbitiin)galateefate, kan inni galateefatu lubbuma ofiitiif. Namni kafares [lubbuma ofii miidha]. Dhugumatti Gooftaan kiyya Dureessa Arjaadha.â€ (Suuratu Al-Naml27:40)

**Yeroo Gooftaan keessan [akkana jechuun] labse [yaadadhu], â€œYoo Na galateefattan [qananii Kiyya irraa] isiniifin dabala. Yoo Natti kafartan dhugumatti adabbiin Kiyya akkaan hamaadha.â€**

Suuratu Ibraahim 14:7

Lamaffaa wanta badaa namoonni jibban isaanitti buusun sabrii (obsa) isaanii qora. Rabbiin ni jedha:

وَلَنَبْلُونَكُمْ بِشَيْءٍ مِّنَ الْخَوْفِ وَالْجُوعِ وَنَقْصٍ مِّنَ الْأَمْوَالِ  
وَالْأَنْفُسِ وَالثَّمَرَاتِ قُ وَبَشِّرُ الصَّابِرِينَ



â€œDhugumatti Nuti sodaa fi beela irraa wanta tokkoon, akkasumas qabeenya, lubbuu fi fuduraale irraa hirdhisuun isin mokkorra (qorra). Warra obsan gammachiisi.â€ Suuraa Al-Baqaraa2:155

Obsuun, Rabbiin galateefachuun,yeroo rakkoo fi toltu Isa kadhachuun, gara Isaatti deebiâ€™uun, Isarratti hirkachuun hojii keessaa (qalbii) Rabbiin jaallatuudha. Namni wanta badaan yommuu qoramu, Rabbiin ni kadhata, Isaaf gadi of qaba, Isarratti hirkata. Ammas,yommuu badii dalaguu, gara Rabbii deebiâ€™uun araarama kadhata, adabbii Isaa sodaachuun imimaan dhangalaasa. Kunniin hundi ibaadadha. Kanaafu, osoo qormaanni jiraachu baate silaa kaayyoona namni uumameef galma hin gahuu jechuudha. Fakkeenyaf, wanti badaan namni jibbu osoo addunyaa irra jiraachu baate, silaa namni akkamitti Rabbiin kadhata, Isaaf gadi of qabaa? Akkamitti gara Isaatti fiigun Isarratti hirkataa?

## 2.Qormaata keessa darbuuf wanta isaan gargaaru

Rabbitiin subhaanahu wa taâ€™aalaa ilmaan namaa qajeelcha malee dirree qormaatatti isaan hin dhiisne. Wantoota qormaata kana keessa darbuuf isaan gargaaran karaa addaatin isaaniif qopheesee. Isaan keessaa:

**Fedhii isaaniif kennuuâ€“** fedhii waan gaarii hojjachuu fi waan badaa irraa of qabu isaan keessatti uumee jira. Rabbitiin ilmaan namaa waan gaarii ykn badaa akka hojjatan isaan hin dirqisiisu. Garuu fedhii hojii barbaadan hojjachuu isaan keessatti uumee jira. **Sammuu isaaniif kennuuâ€“** waan gaarii fi badaa akka addaan baafatan sammuu (aqlii) isaaniif kennee jira. **Dandeetti isaaniif kennuuâ€“** wanta filatan akka hojjatan dandeetti (humna) isaaniif kennee jira. Garuu dandeettin namootaa wal-qixaa miti.

Wantoonni armaan oli sadan wanta uumamaan isaan keessatti uumedha. Wantoonni kunniin gahaan waan hin taaneef wantoota lama isaaniif dabale. Isaaniis, Kitaaboota buusu fi Ergamtoota erguudha.

Kaayyoona namni itti uumameef galma gahuuf wantoonni lamaan kunniin barbaachisodha. Duratti, ibaadaa jechuun dubbiifi hojii keessaa alaa Rabbitiin jaallattudha jennee jirra. Dubbii fi hojii Rabbitiin jaallattu kan ittiin beekan karaa kitaabotaa fi Ergamtootatiin malee karaa biraatin taâ€™uu dandaâ€™aa? Sammuu fi fedhiin namaa wanta Rabbitiin jaallatu hunda beeku dandaâ€™aa? Dabalataan, akkuma duratti jenne hiikni ibaadaa biroo wanta Rabbitiin itti ajajee hojjachuu fi wanta Inni irraa dhoowwe dhiisudha. Wanta Rabbitiin itti ajajee fi irraa dhoowwe karaa kitaabotaa fi Ergamtootatiin malee karaa biraatin beekun ni dandaâ€™amaa?

Gabaabumatti, wanta Rabbiin jaallatu fi jibbu, wanta adabbitti nama geessu fi badhaasa argamsiisu, kitaabban buusufi ergamtoota erguun ibsee jira. Kuni qormataa dachii keessatti isaaniif dhiyaate akka darban isaan taasisa.

### **3.Jazaa (mindaa wanta hojjataa turanii= firii Qormaataa)**

Akkuma fakkeenya jalqabaa keessatti kaasne, barataan qorumsa qorame firii qormataa beeku qabaa miti ree? Haaluma kanaan, ilmaan namaa dachii keessatti qoramaniis firii qormataa beekun dirqama taâ€™a. Rabbiin subhaanahu wa taâ€™aalaa namoota qoree osoo jazaa (mindaa) isaaniif hin kafalin biyyee taâ€™anii akkanumatti isaan dhiisaa? Subhaannahallah (Rabbitin kanarraa qulqullaâ€™e)! Guyyaan namni hundi firii wanta hojjataa turee itti beeku Guyyaa Qiyaamaa jennaan.

Guyyaan Qiyaamaa guyyaa ilmaan namaa hundii bakka itti tursifaman keessaa kaafamuun bakka tokkotti walitti qabamaniidha. Bakki itti tursifamaa turan qabrii (awwaalcha). Bakki itti walitti qabamaan dachii wal-qixxaâ€™a buâ€™aa bayii homaatu hin qabneedha. Kaayyoon isaan walitti qabamaniif firii ykn mindaa wanta hojjataa turanii beekun takkaa gara Jannataa takkaa gara Jahannam deemudha.

Qurâ€™aana keessatti,

â€œLubbuun hundi duâ€™a ni dhandhamti. Mindaawan keessanis guutumaatti kan argattan Guyyaa Qiyaamati. Namni ibidda irraa fageeffamee Jannata seesifame, dhugumatti milkaâ€™Meera. Jireenyi duniyas meeshaa gowwoomsaa qofa.â€ (Suuratu Ali-Imraan 3:185)

Addunyaa tana keessatti mindaa wanta hojjatanii guutumaan guututti argachuun hin dandaâ€™amu. Sababni isaas, yeroon qormaataa hin xumuramne. Kana jechuun dhumiit addunyaa ykn Guyyaan Qiyaamaa hin dhufne. Yeroon qormaataa yoo xumurame Qiyaamaan ni dhaabbatti, ergasii jazaan(mindaan kafaluun) ni jalqabama. Namoonni Qiyaamatti hin amanne dhugaa kana ni kaadu. Rabbiin ni jedha:

رَعَمَ الَّذِينَ كَفَرُوا أَنَّ لَنْ يَبْعَثُوا قَلْبَيْ وَرَقَيْ لِتَبْعَثُنَّهُمْ لِتُنَبَّئُنَّ بِمَا عَمِلْتُمْ وَذَلِكَ  
عَلَى اللَّهِ يَسِيرٌ ٧

â€œIsaan kafaran [erga duunee booda] hin kaafamnu jechuun odeessan. Jedhi, â€œEeyyen! Gooftaa kiyyatti kakadhe! Dhugumatti isin ni kaafamtu; ergasii wanti dalagdan hundi isinitti himama. Sunis Rabbiin irratti laafadha.â€ (Suuratu at-Taghaabun 64:7)

# Gunduunfaa

âž|Ilmaan namaa addunyaa tana keessatti kaayyoo uumamaniif galmaan akka gahaniif qormaata adda addaan qoramu.

âž|Kayyoon ilmi namaa itti uumameef Rabbiin qofa gabbaruudha.

âž|Rabbiin gabbaruu (ibaadah) jechuun wanta Inni ajajee hojjachuu fi wanta Inni irraa dhoowwe dhiisudha. Ammas, hiikni biraa,hojii fi dubbii keessaa alaa irraa wanta Rabbiin jaallatuudha.

âž|Kaayyoon ilma namaa irraa barbaadame kuni qormaata malee bakka waan hin geenyef wanta gaarii fi badaan ni qoramu.Fakkeenyaf, qabeenya, ijoollee, dhibee, waraana, hiyyummaa fi kkf qormaata ilmi namaa itti qoramudha.

âž|Wanta gaariin qoramuun galata galchu fi galchu dhiisu isaanii ifa baha. Wanta badaan qoramuun obsi isaanii ifa. Galata galchuu fi obsuun immoo ibaadadha. Kanaafu, osoo wanti gaarii fi badaan jiraachu baate silaa ibaadan lamaan kunniin galma hin gahanii jechuudha.

âž|Ilmaan namaa qormaata kana darbuuf wanta issaan gargaaran Rabbiin (SW) isaaniif qopheessee jira.

âž|Fedhii, sammuu fi dandeetti isaaniif kenne.Qormaanni maal akka taâ€™e, adabbiin nama qormaata kufee, badhaasni nama qormaata darbee maal akka taâ€™ee fi akkamitti akka darban kitaabban buusu fi Ergamtoota erguun ibsee jira.

âž|Rabbiin subhaanahu wa taâ€™aalaa ilmaan namaa qoreeakkunamatti waan hin dhiifneef guyyaa firii qormaata isaanii itti beekan qaxaree (beellamee) jira. Guyyaan kunis Guyyaa Qiyaamatii.

âž|Namoonni Guyyaa Qiyaamaa wanta hojjataa turan takkaan erga isaanitti himamee booda, jazaan (mindaan ykn adabbiin) isaaniif kafalama.

âž|Namni amanee fi hojji gaarii hojjataa ture garaJanataa, namni kafaree immoo gara Jahannam deema. Kuni gahuumsa ilma namaa isa dhumaati.

### Kitaabban wabii:

[\[1\]Sharih Usuuli salaasa Fuula 100 Ibn Useymiin](#)

[al-aqiidatul Islaamiyyatu wa usuusuhaa](#) By Abdurahmaan Hasan Madiniyyi, fuula 509-517

[al-ubudiyata Fuula 6](#)

### Date Created

December 29, 2018

### Author

admin